



ANALIZA JURIDIKU BA KAZU ABUZU SEKSUAL HASORU MENORADIDADE

Ricardo Benedicts Tilman Nahac Lino,¹ Fransisco Amaral da Silva,² Julio Manuel

¹Lisensiadu Direitu, Universidade da Paz, Timor Leste

²Dosente Faculdade Direitu, Universidade da Paz, Timor Leste

³Dosente Faculdade Direitu, Universidade da Paz, Timor Leste

INFORMASAUN ARTIKLU	ABSTRATU
<p>istória Artiklu: Data Submisaun 28 de Setembru 2023 Aseitasaun 9 de Outubro 2023</p>	<p>Peskiza ida ne'e hala'o ho objetivu atu bele hatene lolos Saida mak influensia hodi hamosu Abuzu seksuál hasoru menór idade no mos atu hatene no buka tuir Oinsa responsabilidade juridiku ba autor Abuzu seksuál hasoru menoridade tuir kodigu penal Timor Leste no atu hatene klaru kona-ba objetivu peskiza ida ne'e hakerek nain utiliza metodologia peskiza Yuridiku normativu, hodi hakerek nain bele identifika problema sira ne'ebé maka iha, no mos iha peskiza ida ne'e mos hakerek nain utiliza teoria lubuk ida husi peritu sira iha mundu ne'e nia hanoin kona-ba direitu kriminal nian hodi bele fortifika hakerek nain nia obra sientifiku ida ne'e. No liu husi peskiza ida ne'e mos hakerek nain identifika problema lubuk ida maka sei dezafia hela Governu Timor-Leste atu kombat hasoru krime abuzu seksual ba menoridade, no problema sira ne'e mos hakerek nain halo ona esplanasaun iha kapitulu III no kapitulu IV iha Obra sientifiku ida ne'e.</p> <p><i>Liafuan Xave : Krime, Abuza Seksual, Menoridade.</i></p>
<p>Liafuan Cave: "krime,abuza seksual,menoridade".</p>	
<p>Korespondenti Autor: Ricardo Benedicts Tilman Nahac Lino</p>	
<p>Copyright © 2023, Ricardo B.Tilman N.Lino set all. This is an open access article distributed under the Creative Commons Attribution License, which permits unrestricted use, distribution, and reproduction in any medium, provided the original work is properly cited.</p>	

Introdusaun

Krime seksuál mak hanesan aktu ida ne'ebe kontra ema nia dignidade humana no aktu seksuál ida ne'ebe ita la hakarak ka hetan tentativa no hetan obrigasaun husi ema ida hodi halo relasaun seksuál. Iha krime lubuk ida ne'ebe konsidera hanesan ofensa seksuál, inklui krime naun konsensual hanesan violasaun seksuál ka asaltu seksuál, krime hasoru labarik inklui abuzu seksuál, no krime ne'ebe esplora ema seluk nia dignidade ba objektivu seksuál.

Abuzu seksuál sira ne'e nu'udar hahalok ida hosi natureza seksuál ne'ebe halo ema ida sente la konfortavel, tauk, intimida ka ameadu. Hahalok seksuál ne'ebe laiha konkordansia, no sempre uza forsa fíziku ka emocionál hodi hasoru vitima menoridade sira no aktu ida ne'e sempre rai hela kanek. Iha aspetu ida ne'e, comunidade tenke hetan protesaun ba seguransa no seguransa ne'ebé loloos iha moris. Ho intensaun atu atinje objetivu, iha sentidu ida ne'e, iha lei barak mak formula ona, tantu konstituisaun no código penal atu proteje sociedade sira.

Dezenvolvimentu lei sei kontinua dezenvolve hamutuk ho dezenvolvimentu comunidade. Nune'e mós, problema legál sira sei dezenvolve hamutuk ho dezenvolvimentu problema no mós krime iha sociedade. Iha problema ohin loron nian no krime bele akontese iha fatin hotu-hotu no iha tempu saida de'it. Ida ne'e bele dehan katak krime ne'e akontese kuaze sociedade hotu-hotu, maibé tanba nia natureza la di'ak, ida-ne'e mós razoavel se sociedade ida-idak haka'as an atu prevene no ultrapasa akontesimentu krime imorál, maibé kuaze loron-loron sociedade hasoru notísia no konversa konabá problema krime, ne'ebé akontese ba ema ne'ebé la uza razaun no aumenta tan ho korajen atu koalía loloos konabá asaun, atu nune'e hahalok hanesan krime seksuál ka imorál. Krime seksuál agora dadaun problema ne'ebé la eziste sein debate, tantu seksuál iha fatin públiku, violasaun seksuál, liuliu iha kazu abuzu seksuál ba menór, suspeitu la rekoñese ona estatutu husi vitima ka, hetan klasifikasaun, edukasaun, pozisaun no idade vitima nian. Buat hirak ne'e hotu sei hala'o bainhira sira sente satisfás ho lasu azternadu, tanba individu ne'e sei iha atrasaun seksuál, tantu hosi labarik sira no avo sira, ida ne'e sei posivel tebes atu halo hanesan krime asédiu seksuál no violasaun seksuál.

Tanba ne'e hare'e ba problema ne'ebe mak hakerek iha leten hakerek nain formula problema hanesan tuir mai :

1. Saida mak sai influensia hodi hamosu Abuzu seksuál hasoru menór?

2. Oinsa responsabilidade juridiku ba autor Abuzu seksuál hasoru menoridade tuir kodigu penal Timor Leste?

Metodologia Peskiza

Iha hakerek monografia hakerek na'in utiliza metodolojia, jurídiku Normativu atu bele hetan resposta ka rezultadu ne'ebé mak di'ak,

Rezultadu Peskiza

3.Rezultado no Dezenvolvimento

3.1. . Fatores Ne'ebe Fo Influensia Hodi

Hamosu Abuzu Seksual ba Menor

Fatór sira ne'ebé fó influénsia ba akontesimentu abuzu seksuál ne'e nu'udar krime imoralidade ne'ebé bainbain akontese hosi fatór oin-oin, no ida-nee hamosu kompleksu no la hamri'ik mesak. No kauza sira ne'ebé bele hetan influénsia ho kondisaun sira ne'ebé suporta, no ezisténsia ne'ebé indiretamente enkoraja arguidu hodi komete krime abuzu seksuál, nu'udar influénsia ba elementu sira seluk ne'ebé tenke halo ho vítima, signifika katak iha ona relasaun entre vítima no arguidu. Nune'e iha fatór balun ne'ebé kauza hamosu abuzu seksuál, hanesan tuir mai :

1. Fatór Sosial

Fatór sosiál sira ne'ebé moris tanba modelu asosiasaun entre mane no fetu sira ne'ebé livre, sei la haketak tan saida mak tenke halo no saida mak bandu atu halo tanba asosiasaun livre, fetu-raan sira la kontrola sira nia étika sosiál, sei hetan estragu moral iha ambiente sosiál. Ezemplu, nonton filme

pornografia no hare'e ba pornografia bele estraga mentalidade labarik sira nian atu nune'e sira la bele kontrola sira nia an no iha vontade atu atinje sira nia hakarak, liu-liu hakarak negativu sira tanba traisaun negativu domina sira.

2. Fatór Ekonomia

Fator ida nee mos afeta ema hotu nia moris tanba ema hotu iha sira nia moris presiza sasan no osan. Se nia la hetan ida ne'e, nia sei kanaliza nia hakarak ba ema seluk no nune'e krime abuzu seksuál bele akontese. Osan ne'e fatór ida ne'ebé importante liu iha ita nia moris loron-loron tanba osan ne'e bele halo ita moris hakmatek no nakonu ho konseitu hanoin ne'ebé saudavel, no bele benefisia família, maibé ema ida nia vida la ho osan sei hamosu konfliktu ba hahalok negativu, ho norma legál sira ne'ebé signífika katak nia bele lori ema sira ba komete krime, nune'e tuir peritu legál "Rully Thomas" ne'ebé hateten katak; "osan ne'e buat ida ne'ebé disponivel no jeralmente ema ne'e bele aseita no sai hanesan meu pagamentu ba sosa sasán, servisu no mós rikusoin sira seluk ne'ebé folin ba pagamentu". Enquanto iha desizaun autoridade nian temi pontu importante balun ne'ebé dehan katak osan ne'e kapital ne'ebé uza nu'udar inan (aman) atu negosia, halo livre osan no propriedade (osan no sasan) atu nune'e bele uza hodi produs buat ruma ne'ebé hasa'e riku-soin, Husi opiniaun rua ne'e, hakerek na'in bele foti

konkluzau ida katak; Osan ka kapital hanesan pontu ne'ebe importante iha ema nia vida, kuandu ema ne'ebe laiha osan fasil liu atu halo aktu negativu ka aktu kriminal.

3. Fatór Ambientál

Fatór ida ne'e bele mós fó oportunidade ba arguidu sira atu nune'e akontesimentu hosi krime abuzu seksuál ne'ebé barak liu mai hosi *ambiente negative* atu nune'e bele habelar ba comunidade, nomós hosi asosiasaun bele fó influénsia ba ema seluk hodi komete krime hanesan ema ne'ebé hetan esperiénsia ho feto-aat sira, nune'e ema ne'e bele hatene katak nia bele halo ba ema seluk. Kauza husi krime la bele haketak husi problema ambientál nu'udar fatór prinsipál, maioria insidente ne'e mosu husi ambiente família hafoin habelar luan ba comunidade. fatores sira ne'ebe hakerek ona iha leten ne'e mak hamosu akontesimento krime, hanesan tuir mai :

- 1) Labarik abandonadu
- 2) Dezempregu
- 3) komete droga
- 4) konsumo alkohol

Bazeia ba fatór balu ne'ebé temi ona iha leten, bele hare katak krime abuzu droga sei afeta lailais hosi adolexente sira no mós hahalok aat psikolojiku kampu sosiál nian bele kauza hodi dezenvolve hanoin, hahalok aat sosiál, mudansa ordem parental gratuita no mós la iha edukasaun ne'ebé klaru hanesan fonte ida ba estragu labarik sira nian no afeta ba jersaun foun sira nia moris. Alkolizmu, ne'ebé baibain króniku iha ema ida ne'ebé moras mentál, durante dezenvolvimentu estraga terus ne'ebé la suficiente ne'ebé bele lori ba krime perigozu sira tanba moras alkohol sira ne'e. Bele hare'e katak ema ne'ebé iha dezorden iha vida alkohol sira seluk bele ka fasil atu monu ba droga, se hemu tua liu limite ne'ebé kauza asaun la tuir lei. Tanba falta sivilidade.¹

3.2. Impaktu Husi Violaasaun Seksual ka Asediu Seksual

Impaktu husi asediu seksual bele fahe ba parte jeral, hanesan impaktu fiziku, impaktu psikologiku no impaktu sosial. efeitu fiziku husi asediu sexual ba fetu sira, impaktu grave liu mak isin rua. Impaktu hadaet moras husi relasaun seksual bele mos akontese. Impaktu psikologiku sei halo vitima tauk ema seluk, nune'e mos tauk fatin ka ambiente ruma. Impaktu sosial ne'ebe vitima hetan, liu-liu tanba estigma ka diskriminasaun husi ema seluk,

1

http://eprints.unisnu.ac.id/id/eprint/2629/3/131410000181_BAB%20II.pdf

kauza vitima hakarak izola-an husi comunidade. sentimento ne'e mosu tanba lakon fiar no tanba nia nu'udar vitima asediu seksual, nune'e nia sente laiha valor ba nia aan, dignidade ne'ebe monu, sente la vale buat ida no sente la serve atu halimar hamutuk ho nia kolega sira seluk.

1. Impaktu Fiziku

- a) Problema isin-rua no reproduasaun : violensia seksual bele fo impaktu isin-rua ba vitima ne'ebe la nia hakarak, sei obriga vitima atu simu isin-rua no bele mosu kauza stres iha prosesu isin rua-rua nia laran. isin-rua ne'ebe akontese ho idade ki'ik bele kauza problema isin-rua oin-oin ba vitima tanba la iha disponibilidade husi orgaun seksual reprodutiva atu simu isin-rua. impaktu seluk dezorden husi orgaun seksual sira ne'ebe normalmente akontese ba vitima violaasaun seksual hanesan ra'an, infesaun trator, iritasaun husi orgaun seksual, moras durante relasaun seksual no problema reprodutivu sira seluk.

- b) Hasae transmisaun moras infesaun seksual.

2. Impaktu Psikolojia

- a) Depresaun/stress
- b) Toba la dukur
- c) Dignidade ne'ebe tun
- d) Abuzu droga no tua tanba depresaun

3. Impaktu Sosial

- a) Halo barreira ba interasaun sosial : subar aan, sente la merese iha sociedade nia le'et
- b) Problema atu hari uma ka'in no ema ne'ebe hari'i ona uma ka'in bele akontese husik malu ka divorsiu²

3.3. Analiza Juridika ba Krime Abuzu Seksual

Kriminal hanesan siensia ne'ebe aprende kona ba krime hanesan problema tekniku hanesan instrumentu ida atu aprende ka deskobre sasan krime tekniku uza siensia natureza, kimika no seluk tan, hanesan siensia medika justisa, siensia justisa entre siensia dental no siensia kimika hanesan

² <http://repository.poltekkes-denpasar.ac.id/1352/3/BAB%20II.pdf>

siensia polusaun no siensia sira seluk. *Krime violasaun seksual ne'e haree hosi perspectivu krime ida. Relasiona ho aktu violasaun seksual, iha mós reasaun negativo hosi públiku. Ema hotu komete krime husi perspetiva krime, iha antesedente ka iha kauza katak ema ne'e halo hahalok aat. Fatór sira ne'e fatór ida ne'ebé mai hosi arguidu rasik, ka fatór sira ne'ebé sai hosi atór nia liur.*

No husi definisaun sira iha leten hakerek nain hakarak atu halo analiza liu ba iha objetivu husi Lei kriminal ninian oinsa mak Lei refere bele solusiona problema abuzu seksual iha territoriu Timor-Leste no iha Timor-Leste Lei maka supremu tamba ne'e buat hotu-hotu maka akontese iha Timor-Leste tenki lao tuir Lei atu nune'e bele hetan solusaun ne'ebé maka justu no *Objetivu lei kriminal importante tebes atu mantein dame komunitária. Lei kriminal mak sistema lei ida-ne'ebé trata kastigu ba ema ne'ebé komete krime. Lei kriminal atinji ninia objetivu liu hosi kastigu, Lei kriminal nia objetivu jerál mak atu proteje sosiedade. Lei kriminal bandu aktu ne'ebé kauza ka ameasa interese publiku. Objetivu finál hosi prosesu kriminal ne'e atu kastigu ema ne'ebé provadu ho dúvida ne'ebé razoavel.*

Objetivu lei kriminal nian mak atu identifika, rekoñese, kastigu no eduka sosiedade boot liu no arguidu potenciál sira kona-ba konsekuénsia husi

sira-nia hahalok liu husi sistema justisa kriminal nian. Funsau lei kriminal nian mak atu regula sosiedade nia moris hodi kria no mantein orden publiku.

4.1. Responsabilidade Jurídika ba Autor Abuzu Seksual

Kazu abuzu seksual mosu tanba iha autores ka grupu ida ne'ebe mak abuzu de poder hodi hala'o aktu seksual ba vitima ida, liu husi obriga ema seluk sofre ka pratika, aksaun seksual ho violencia, ameasa grave, ka halo uluk ema ne'e lakon nia konsiensia, koitu vazinal, koitu anal ka koitu oral, obriga hatama objetu ruma iha nia anus ka vazina. autor ida ne'ebe mak halo aksaun ida ne'e, tribunal sei la taka matan ba kazu refere no sei hala'o prosesu tuir dalan legalidade. Tuir Kodigu Penal artigu 171° Koasaun Seksual, "*se maka obriga ema seluk sofre ka pratika, ho nia ka ho ema seluk, aktu seksual relevante, ho violência, ameasa grave, ka, ba fim ida ne'e, halo uluk tiha ema-ne'e lakon konsiensia ka labele reziste, sei hetan pena prizaun tinan 2 to'o 8*".³ no artigu 172° Violaun, "*se maka, ho meu sira referidu iha artigu anterior, mantein ho ema seluk koitu vazinal, koitu anal ka koitu oral, ka obriga ema ne'e husik hatama objetu ruma iha nia anus ka vajina sei hetan pena prizaun tinan 5 to'o tinan 15*".⁴

³ Kodigu Penal Timor-Leste, artigu 171°

⁴ Kodigu Penal Timor-Leste, artigu 172°

Se kuandu autor/ajente ne'ebe pratika agregasaun seksual sira referidu iha artigu previstu, no abuzu kona-ba autoridade ne'ebe mai husi relasaun familiar, abuzu dependênsia hirarkia no ekonomia ba vitima, aproveita funsau ka lugar no titulu ida hodi halo aksaun ba vitima, pratika aksaun referidu ba vitima ba ema inkonxiente ka inkapaz, aproveita situasaun hodi pratika ba ema ne'ebe difisiensia fizika ka psikika no moras, ka vitima ba aksaun ida ne'e ho tinan ki'ik liu husi 17, autor ne'ebe halo abuzu seksual sei hetan sansaun ne'ebe bot ka todan liu fali sansaun ne'ebe preve ona iha artigu anterior. hanesan Kodigu Penal artigu 173° nia hateten kona-ba Agravaun :

"ajente ne'ebe halo agregasaun seksual sira referidu iha artigu 171° no 172° :

- a) *Ho abuzu kona-ba autoridade ne'ebe mai hosi relasaun familiar, tutelar, dependênsia ierarkika, ekonomika ka laboral,*
- b) *Ho aproveitamentu kona-ba funsau ka lugar ne'ebe, ho titulu naran ida, nia ezerse iha estabesimentu prisional, estabesimentu ba edukasaun ka korresaun, ospital, ospisiu, azilu, klinika ka estabesimentu ba saúde*

seluk ka estabesimentu ba assistensia ka tratamento seluk;

c) *Ba ema inkonxiente ka incapaz, vilneravel partikulamente tanba doensa, difisiensia fizika ka psikika;*

d) *Ba vitima ho tinan ki'ik liu 17,*

sei hetan pena prizaun tinan 4 to'o tinan 12, iha kazu previstu iha artigu 171°, no pena prizaun tinan 5 to'o tinan 20, iha kazu previstu iha artigu 172°.⁵

Tuir matenek nain Hans Kelsen iha nia teoria kona-ba responsabilidade legál hatete katak: "Ema responsavel tuir dalan legál ba aktu ruma ka nia iha responsabilidade legál ba kazu refere, ne'ebé signifika katak nia mak responsavel ba sansaun iha kazu konflitu".⁶ katak aktu hotu ne'ebe autor halo ona ne'e konsederadu hanesan aktu krime, no ida ne'e presiza toma responsabilidade ba aktu ne'ebe autor komete tuir baze legal ne'ebe peskizador mensiona ona iha paragrafu anterior.

4.2. Responsabilidade Jurídika ba Autor Abuzu Seksual ba Menoridade

Labarik menoridade hanesan aspeitu ida ne'ebe fraku no fasil liu atu domina, tan ne'e autor abuzu seksual sente katak sira regula maksimu ba vitima sira, aksaun ida ne'e hatudu katak krime seksual hanesan hahalok primitivu ida ne'ebe foka liu ba iha nafsu. no aksaun krime seksual ba menor ida ne'e presija sai mos hanesan responsabilidade juridiku sira hodi regula no prosesa autor abuzu seksual sira tuir dalan legalidade. tanba ne'e Kodigu Penal Timor-Leste, bandu maka'as ba iha aksaun refere liu husi artigu hirak ne'ebe preve ona kona-ba problema abuzu seksual, hanesan tuir mai :

Tuir artigu 177° numeru 1 hateten katak, "*Se maka pratika koitu vajinal, koitu anal ka koitu oral ho labarik ne'ebe seidak iha tinan 14 sei hetan pena prizaun tinan 5 to'o tinan 20*", no numeru 2, "*Se maka pratika aktu seksual relevante ho labarik ne'ebe seidak iha tinan 14 sei hetan pena prizaun tinan 5 to'o 15*".⁷ no iha mos artigu 178° ne'ebe preve kona-ba aktu seksual ho adolexente ne'ebe hateten, "*Ema maior ne'ebe, iha situasaun ne'ebe la tama iha seksaun ida ne'e nia previzaun, pratika aktu seksual relevante ho labarik tinan 14 to'o 16, tanba nia inexperiensia sei hetan pena prizaun to'o tinan 5*".⁸

Kodigu penal Timor-Leste mos toma atensaun maka'as ba ema ne'ebe iha moras, difisiensia fizika no psikika sira, hodi halo kondena ba autor sira

⁵ *Kodigu Penal Timor-Leste, artigu 173°*

⁶ <http://scholar.unand.ac.id/17148/2/BAB%20I.pdf>

⁷ *Kodigu Penal Timor-Leste, artigu 177°*

⁸ *Kodigu Penal Timor-Leste, artigu 178°*

ne'ebe aproveita ema nia inkapasidade hodi halo abuzu seksual ba ema ne'ebe labele reziste tuir artigu 179°, “*Se maka pratika aktu seksual relevante ho ema inkonxiente ka inkapaz, vulnerável partikulamente tanba moras, defisiensia fizika ka psikika, tanba aproveita nia inkapasidade sei hetan pena prizaun tinan 4 to'o tinan 12*”.⁹

4.3. Responsabilidade Juridika ba Autor Explorasaun Seksual ba Menor

Kazu abuzu seksual laos de'it identiku ho autor sira ne'ebe abuzu de poder hodi viola vitima sira tuir autor ka ajente sira nia hakarak, hodi halakon sira nia gostu. maibe iha problema abuzu seksual nian mos autor sira ne'ebe utiliza vitima sira hodi hetan lukru, hanesan uza vitima sira hodi halo explorasaun iha situasaun vitima iha problema ekonomia nia laran, uza ameasa grave ka koasaun ba vitima sira, desloka vitima sira husi pais orizem ba pais seluk no subar ka halakon tia vitima nia identidade atu ema seluk labele descobre.

Problema hirak ne'ebe mak preve ona iha paragrafu previstu, sai hanesan krime ida ne'ebe estraga ona vitima sira hodi autor sira bele hetan lukru liu husi dalan Explorasaun Seksual ba Ema Seluk. ne'ebe hateten ona iha Kodigu Penal Timor-Leste, artigu 174°, katak;

⁹ *Kodigu Penal Timor-Leste, artigu 179°*

1. “*Se maka, ho intensaun atu hetan lukru ka uza atividade ne'e hanesan nia servisu loro-loron, fasilita ka, oin naran ida, kontribui ba ema seluk atu ezerse prostituisaun ka pratika aktu seksual seluk sei hetan pena prizaun tinan 3 to'o tinan 10*”.

2. “*Ajente sei hetan pena prizaun tinan 4 to'o tinan 12, kuandu iha mos sirkunstansia sira ne'ebe tuir mai ne'e ruma :*

- a) *Explorasaun ba vitima ne'ebe hasoru abandonu ka necessidade ekonomika;*
- b) *Violensia, ameasa grave ka koasaun ba vitima;*
- c) *Vitima nia deslokasaun husi pais iha ne'ebe nia moris ka hela ba pais seluk;*
- d) *Retensaun ba vitima nia dokumentu ba identifikasaun ruma*”.¹⁰

Autor ka ajente abuzu seksual laos hetan de'it osan husi explora vitima sira ba ema seluk, maibe hetan mos lukru husi dalan prostituisaun no pornagrafia ba labarik idade ki'ik sira. aktu ne'e ladiak tebes tanba obriga ka aproveita situansaun labarik sira ne'ebe seidak serve atu hala'o aktividade seksual ida ne'e, no iha Kodigu Penal Timor-Leste mos hateten ona katak aktividade prostituisaun no

¹⁰ *Kodigu Penal Timor-Leste, artigu 174°*

pornografia infantil ida ne'e proibidu tebes, ne'ebe hateten ona iha artigu balun, hanesan tuir mai :

Artigu 175° Prostituisaun Infantil 1. *“Se maka pratika aktu kona-ba explorasaun seksual referidu iha artigu anterior (174°) ba ema ne'ebe seidak iha tinan 17, maske ho vitima nia konsentimentu, sei hetan pena prizaun tinan 4 to'o tinan 12, iha kazu previstu tinan 5 to'o tinan 15, iha kazu ne'ebe iha sirkunstansia ruma ne'e tama iha artigu anterior nia numeru 2”.*

2. *“Se maka ofere, obten buka ka entrega ema ne'ebe seidak iha tinan 17 ba prostituisaun infantil sei hetan pena prizaun tinan 4 to'o tinan 12, kuandu dispozisaun legal seluk la estabelese pena todan liu”.*¹¹

No 176° Pornografia Infantil “1. *Ema ne'ebe, ba fim predominante seksual, expõem ka representa ema ne'ebe seidak iha tinan 17 halo aktividade seksual, real ka simulada, ka, ho meiu naran ida, ezibe aktividade ne'e ka menor nia orgaun seksual sei hetan pena prizaun tinan 3 to'o tinan 10”.*

2. *Pena ida ne'e sei aplika mos ba ema ne'ebe produz, fahe, difunde, importa, exporta, fa'an, detein meiu ba komunikaun, instrumentu, dokumentu ka rejistu ba fim referidu iha numeru anterior ka atu divulga aktu sira ne'e.*”¹²

Artigu ne'ebe hakerek nain menciona ona iha leten ne'e sai hanesan baze legalidade hodi defende vitima sira no hodi kondena autor sira liu husi dalan legalidade nian.

¹¹ *Kodigu Penal Timor-Leste, artigu 175°*

¹² *Kodigu Penal Timor-Leste, artigu 176°*

